

Imōn Jokwe im Mōñā



Abnōnō ko

Ilo Oregon, ebeben ko kin ear wōr kajool im kalijeklok ñan armij kin aer riia ear jemlok kin oktak ko relab kin joñan mweie eo ekkā ikōtaan imōn jokwe ko an armij ro Remouj im ro Rejab Mouj kilier. Men kein rar kōmman oktak ilo:

- Maron kōmman mweie ibben ebeben ko roktak ilo aer wia mweir em
- Maron ello imōn jokwe ko emmon wonneir ilo jikin ko ejellok uwōta
- Joñan armij ro ejellok imōn aer jokwe

Im bareinwōt abañ ko ilo kabok imōn jokwe ko emmon wonneir, juon jen lalem baamle ko ibelakin state eo rejab maron ebōk mōñā ko remmon ñan ejmour im emmon wonneir. Jet armij rej jokwe ilo jikin ko ejeja mōñā in leen wojke ko rekāāl, im imōn wia mōñā ko emokaj aer kōmat im imōn wia jidik ko rej jikin ko wōt remaron wia. Ilo jikin ko rettlok ilo state eo, jet baamle aitok ial eo ñan aer ito tak in tōbare juon imōn kaikwijkwij mōñā. Jet baamle ko rejab maron ello mōñā ko reminene kaki ilo jikin ko rej jokwe ie. Oregon aikuji juon wāween ko rekajur ñan lelok mōñā ko ewōr ōn ñan jibañ an aoleb jukjukinbed ko ejmour.

Wāween ko ñan Kajimwe

Bebe ko ñan lale imōn jokwe ko emmon wonneir, an armij wia mweir, bōbrae an armij ejellok imōn aer jokwe, wāween ko

rekajur ñan lelok mōñā im kejbarok mōñā ekoba:

- Kōlablok imōn jokwe ko emmon wonneir im rej bed ilo jikin ko ewōr ial ñan armij maron ito tak
- Kōlablok wāween ko rekajur ñan lelok mōñā im armij remaron bōk mōñā ko remmon ñan ejmour, emmon wonneir, im ekkar ñan manit ko aer ñan aoleb jukjukinbed ko
- Kōlablok an armij maron bōk mōñā ko remmon wonneir, emmon ñan ejmour im ekkar ñan manit ko an armij ro rejab mouj kilier im edik kolla ko aer

Kōtōbar ko an Ejmour Ibben Doon (Healthier Together Oregon, HTO) ilo imōn jokwe ebar koba ien oktak eo ñan an jako an armij ejellok imōn aer jokwe im bareinwōt ial ko ñan an jukjukinbed ko armij ro Rekilmej, Armij ro lukkun aer bwidej ko, armij ro rejab mouj kilier im American Indian/Alaska Native.

HTO ej bukot wāween ko ñan kōlablok kejbarok mōñā ñan armij in Oregon im kōmman wāween ko rekajur ñan lelok mōñā im jikin ko elab aer kōmman im kōmadmōd mōñā im lelok kajur jekdoñ oktak in mejatoto, abnōnō ko ilo an madmōd jikin ko rej kōmman im leto letak mweiuik im abañ ko jet.




HTO: Juon Bebe in Kōmmene Juon Oregon eo Emmonlok

Ejmour Ibben Doon (Healthier Together Oregon, HTO) ej juon kein jermal eo ekajur ñan kōkmanmanlok an ejellok kalijeklok ñan aoleb armij in Oregon. Einwōt an kar COVID-19 lukkun kalikar, ejab joñan wōt juon an aoleb armij maron mour ilo aer jab nañinmij. Armij ro rejab mouj kilier, armij ro edik kolla ko aer, armij ro rej kalikar rej LGBTQ+, rilikin ro emōj aer emakūt ñan aelon eo im ro emōj aer jool jen aelon ko aer, armij ro ewōr aer utamwe im ro rej jokwe ilo jikin ko rettolok ilo state eo rej ioone abañ ko ebwe aer elab kin kalijeklok ko ilo jikin ko armij rej bed im mennin aikuj ko emōj likūt im rej jelōt ejmour ko an armij.

Kinke ejmour im ainemmon ko an armij rej ekkar ñan eloñ men ko, HTO ej kalikar eloñ bebe ko roktak, im ilo ien aer lale im kōjejjēt kūtien ibben doon, remaron kōkmanmanlok mour ko an aoleb ro rej jokwe ijin.

HTO ear jutak ñan kōjellā kin Bebe in Kōkmanmanlok Ejmour ko an Armij ro ilo Jukjukinbed im bareinwōt

aurok, burokraam, im joortoklik ko an opij im doulul ko. Ej kabok eloñ jikin ko roktak im rej jermal ibbeir jen jikin ko roktak im rej bar tiljek kin kōtōbar kein raurok. Jikin kein ekoba jibañ in ejmour, ritel ro rej kelet, jikin jermal ro, armij ro rej lelok jibañ, ial in ito tak, kōjermal bwidej im bebe, jikin ejmour ko an state, bwij, im jukjukinbed, jimwe kin ruprup kakien im kabin kakien, doulul ko rej bed ilo jukjukinbed, doulul ko an kabuñ, ro rej lelok jermal in jibañ ikijen imōn jokwe im ñan armij im jelālokjen.



Jermal Ibbamim

Kim ej kajeoñ in kobalok ibben ro jet rej tiljek in kōkmanmanlok an ejellok kalijeklok kin ejmour ilo Oregon. Ñan melele ko relablok ak ñan kebaak kim:



WEBSITE

healthiertogetheroregon.org



EMAIL

publichealth.policy@state.or.us



KOBATŌK ILO AM JUON JIKIN EO JENAJ JERMAL IBBEN DOON

healthiertogetheroregon.org/potential-partner



YOUTUBE

bit.ly/3jvkuAE



Healthier Together Oregon

healthiertogetheroregon.org

Juon kōtōbar an Oregon Health Authority